

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. II. De impedimentis non dirimentibus.

urn:nbn:de:hbz:466:1-13826

diurna absenta. Quamprimum autem prior maritus comparuerit, debet separari à secundo, nec potest ei cohabitare.

XVIII. *Quid sit raptus.* Quares decimo-octavo: Quomodo raptus dirimat Matrimonium? Raptus propriè est cùm persona aliqua abducitur cum violentiâ ad explendam libidinem, vel Matrimonium contrahendum, unde si vel sponte, vel precibus inducta discedat fœmina cum viro, etiam insciis parentibus, non dicitur propriè raptus: ita Sanchez lib. 7. d. 13. Lessius l. 4. c. 3. d. 9. Filiu. t. 10. p. 2. c. 8. n. 257. Bonacina q. 4. p. 18. Layman t. 10. p. 4. c. 13. Henriquez l. 12. c. 14. Tel. l. 7. c. 13. & alii.

Quomodo dirimat Matrimonium. Raptus dirimit Matrimonium quamdui fœmina est in potestate raptoris, quantumvis liberè in Matrimonio consentiat, si invita fuerit eò priùs raptæ, sicut etiam sunt irrita sponsalia tunc facta: ita Sanchez, Bonacina, & alii, qui idem dicunt de sponsâ invitâ raptâ post sponsalia liberè ante raptum facta: Henriquez tamen ait tunc validum esse Matrimonium, sicut omnes fatentur esse validum, si sponsa volens abducatur invitis parentibus. Si fœmina virum rapiat, validum erit matrimonium, cùm Tridentinum solum loquatur de raptu fœminæ. Validum tamen esset Matrimonium cum tertia personâ, quæ nullo modo ad raptum illius fœmina concurrit, idque licet raptor cùm ipsam intentione rapuerit ut cum illo altero iniret Matrimonium.

Quid si voluntibus parentibus abducatur. Sanchez citatus ait, si volentibus parentibus fœmina rapiatur invita, Matrimonium esse irriterum, fecis si illa volens discedat invitis parentibus, quod secundum negat Henriquez, Navar. Toletus & alii. Emanuel Sa, Henriquez, & alii volunt ad hunc raptum sufficere si solâ libidinis causâ mulier rapiatur: probabilius tamen videtur quod ait Sanchez, Filiu. Coninck d. 3. d. 4. & alii solum loqui Concilium de raptu fœminæ ad contrahendum Matrimonium.

Fœna rapti-ribus statuta. Aliæ etiam poenæ assignantur raptui, ut quodd raptores, fautores, &c. sint ipso jure excommunicati, perpetuò infames, incapaces dignitatum, & si sint clerici, decadant de gradu. Raptor etiam tenetur convenienter dotare raptam, sive eam in Matrimonium duxerit, sive non.

XIX. *Impotensia perpetua irritat Matrimonium.* Quares decimo-nono: Quomodo impotensia dirimat Matrimonium? Impotensia perpetua, quæ non humana arte, vel absque miraculo, arte magica, aut pericula vita, vel etiam sine peccato, ut non nisi habendo copulam cum aliis viris tolli potest, irritat Matrimonium, nec jure tantum ecclesiastico, sed naturali: ita Sanchez l. 7. d. 93. & sequentibus, Filiu. t. 10. p. 2. c. 3. Bonacina q. 3. p. 13. Layman t. 10. p. 4. c. 11. Henriquez l. 12. c. 7. Coninck d. 31. d. 7. & alii.

Impotensia respectiva. Fieri autem potest ut vir respectu unius fœminæ sit impotens, & fœmina respectu unius viri, ut si arcta sit, nec sine vita (aut gravis morbi secundum aliquos) periculo per incisionem apta huic redi potest, quo casu irritum est Matrimonium inter illos: possunt tamen cum aliis potesta validè contrahere.

Impotensia ex maleficio. Idem est de impotensiâ ex maleficio, si post experientiam triennalem sibi à jure concessam, & adhibitis remediis ad avertendum maleficium, copulam habere non potuerunt; possunt enim cum aliis contrahere, si tamen certò scirent postea se posse inter se habere copulam, debent ad se iterum, relieto secundo Matrimonio redire: ita Auctores citati. Impotensia autem perpetua superveniens Matrimonio non illud dirimit. Sitne

R. P. Comptonii Theol. Scholast. Tom II.

validum Matrimonium senis decrepiti ad copulam planè impotentis, & qui nullâ arte juvari possit, affirmat Henriquez, & alii, negat Bonac. n. 18. cum aliis.

Hermaphroditus, in quo unus sexus prævalet, *Hermaphro-*
ditus. validè contrahit secundum illum, si uterque sexus fit æqualis, potest secundum alterutrum contra-herere, mortuo autem conjugi peccat si secundum alium sexum denuò contrahat, si tamen faciat, Matrimonium est validum: ita Sanchez, Coninck, Filiu. Bonacina, & alii citati.

SECTIO SECUNDA.

De impedimentis non dirimentibus.

Quares primò: De impedimentis non dirimentibus: Quid sit interdictum Ecclesiæ, & juris? Hæc impedimenta sunt in duplice genere; quædam enim non ex crimen, alia ex crimen consurgunt. Prioris generis sunt hæc quinque.

Ecclesiæ vetitum, ne non tempus feriatum,
Atque catechismus, sponsalia, jungiro votum,
Impedient fieri, permittunt facta teneri.

Posterioris generis sunt hæc septem:

Incestus, raptus sponsata, mors mulieris,
Susceptus propria fobolis, mors presbyteralis,
Vel si pœnitentia solenniter, aut moniale.

Accipiat, prohibent hæc conjugium sociandum.

Primum itaque impedimentum est prohibitio Ecclesiæ, quando scilicet persona aliqua Ecclesiastica, ut Episcopus, aut alius Judei Ecclesiasticus, imo parochus prohibet ne aliqui contrahant Matrimonium ratione scandalii, vel donec impedimentum aliquod examinetur: cui prohibitioni contravenire est peccatum mortale, cùm materia sit gravis: ita Sanchez l. 7. d. 6. n. 6. & d. 7. Filiu. t. 10. p. 2. c. 9. Bonacina q. 3. p. 14. n. 2. 3. & 4. Coninck d. 30. d. 3. Bellarm. l. 1. de Matrim. c. 31. Layman t. 10. p. 4. c. 15. & alii.

Secundum vocatur prohibitio juris, per quam scilicet certis diebus à Concil. Triden. f. 24. c. 10. interdicitur celebratio Matrimonii, nempe à primo die Adventus, seu à media nocte antecedente usque ad diem Epiphaniae, & similiter à feria quartâ cinerum usque ad octavam Pascha inclutivæ.

Hoc ergo tempore Matrimonia publicè & sacerdos benedicere est peccatum mortale, & Sacerdos graviter arbitrio Judicis Ecclesiastici puniri debet, & contrahentes ad tempus separari, aut alia poenâ mulètari, si sit periculum incontinentia. Matrimonium autem his temporibus contrahere, etiam præmissis denuntiationibus, sponsam in domum sponsi sine solennitate, id est conviviis, tripudiis, & similibus deducere, & Matrimonium consummare non est prohibitum: ita Sanchez, Filiu. Bellarm. Navarrus, & alii, nisi contraria consuetudo aliud exigat, ut est in Germania, telle Lay. num. primo.

Quares secundò: Quomodo impedit Matrimonium catechismus, sponsalia, & votum? Is qui tenet puerum in catechismo, id est, qui respondet interrogationibus quæ sunt à Sacerdote ante januam Ecclesiæ super baptizandum, contrahere dicitur cognationem spiritualem imperfectam cum iisdem personis, cum quibus contrahit tenens puerum in Baptismo, sive hoc fiat ante sive post Baptismum, quæ cognatio in baptismō

Fff 3 à Concilio

à Concilio Tridentino restricta est ad primum gradum, ut supra vidimus. Unde juxta Navarrum, Valentianum t. 4. d. 10. q. 5. p. 4. & alios, peccat is qui cum illâ personâ, vel ejus parente contrahit Matrimonium.

Hoc videtur sublatum.

Sanchez tamen l. 7. d. 10. n. 12. Henriquez l. 12. c. 2. Sa, & ut probabile Filiucus t. 10. p. 2. c. 9. n. 273. Layman t. 10. p. 4. c. 15. n. 2. & Bonacina q. 3. p. 14. n. 6. dicunt nullam in hoc contrahi cognationem, sed hoc impedimentum à Concilio Tridentino s. 24. c. 2. esse sublatum, cum nullam de hoc impedimento ibi faciat mentionem.

Sponsalia.

Sponsalia inducunt obligationem gravem ad standum sponsalibus, unde peccat graviter qui his non dissolutis contrahit Matrimonium cum aliâ personâ: ita Sanchez l. 1. d. 27. n. 2. Bonacina q. 3. p. 14. n. 5. Filiucus c. 9. n. 274. Coninck d. 30. d. 3. n. 23. & alii.

Quo pacto votum impedit matrimonium.

Qui emisit votum castitatis, religionis, sacramentorum ordinum, aut non nubendi (idem est de juramento) licet si contrahat Matrimonium, illud sit validum, cum res uni promissa possit alteri validè dari, cum dominium illius rei non abdicaverit à se per promissionem, peccat tamen graviter contrahendo, cum faciat contra votum, ponendo se in statu, in quo servare illud non possit: ita Sanchez l. 7. d. 11. n. 4. Filius t. 10. p. 2. c. 9. n. 275. Bonacina n. 7. & alii. Unde etiam peccat mortaliter qui scienter contrahit cum habente hæc vota, nisi sub conditione dispensationis obtinenda.

Quid si quis habeat firmum animum ingrediendi religionem.

Quæres, an habens votum religionis aut castitatis possit inire Matrimonium firmo animo ingrediendi religionem ante consummationem? Affirmat Henricus, Caetanus, & alii apud Sanchez, qui ait hoc esse probabile. Contrarium tamen multo est probabilitus, tum quia exponit se periculo manifesto mutandi mentem, & violandi votum, tum ob injuriam factam conjugi: ita Sylvester, Navarrus, Henriquez l. 12. c. 2. n. 8. Sanchez l. 1. d. 43. n. 6. & alii. Si tamen habens votum castitatis ineat Matrimonium cum firmo proposito ingrediendi religionem ante consummationem, non tenetur eo contracto ingredi, nec enim votum castitatis ad hoc cum obligat, nec ingrediendi propositum: ita Sanchez n. 9. contra Scotum, Caetanum, & alios.

III. Quomodo impedit incestus.

Quæres tertio: Quomodo incestus impedit Matrimonium? Incestus hic est fornicatio cum affine in gradibus prohibitis, unde vir qui habuit copulam cum consanguineâ uxoris usque ad quartum gradum, sciens esse consanguineam ejus (idem est de uxore respectu consanguineorum viri) non potest mortuo altero conuge contrahere licet Matrimonium cum quacunque aliâ personâ. Non tamen incurrit hoc impedimentum si ignoret esse consanguineam: ita Sanchez l. 7. d. 15. Filiucus t. 10. p. 2. c. 9. n. 283. & 284. Bonacina q. 3. p. 14. n. 10. & alii.

Quid si per vim fiat.

Nec tantum conjugibus incestus reis interdictum Matrimonium, sed illis etiam quibuscum habita est talis copula, si sciens esse copulam incestuosa. Si autem mulier vi oppressa sit, solus opprimens contrahit hoc impedimentum. Non autem extenditur hoc impedimentum ad cognationem legalem aut spiritualem, imo nec ad incestum quem uxor committeret cum suis consanguineis, aut maritus cum suis; cum enim sit lex penal, non extenditur ad plura quam exprimuntur in jure.

Sanchez n. 5. Bonacina n. 11. Filiucus n. 28. & alii contra Angelum & alios dicunt hoc impedimentum extendi ad copulam habitam cum consanguineâ sponsa de futuro in primo gradu, folium tamen durare vivente complice, quod secus contingit in copulâ cum consanguineâ sponsa de praesenti, seu ante Matrimonium consummatum; est enim impedimentum perpetuum, etiam mortua uxore, juxta Auctores citatos. Idem affirmit Sanchez, Bonacina, Filiucus, & alii de habente copulam cum consanguineâ uxoris post mortem uxoris, Sotus tamen, Henriquez, Sa, Layman t. 10. p. 4. c. 5. n. 2. & alii hoc negant.

Quæres quartò: Quomodo raptus alieno sponsa, uxoricidium, suscepito prolis, Presbytericidium, penitentia publica, Matrimonium cum moniali, impeditant Matrimonium? Qui rapuit alienam sponsam, sive de praesenti, sive de futuro, non potest licet contrahere Matrimonium, cum illâ personâ, sicut nec sponsa ipsa, si consensus præbuit: ita Sanchez l. 7. d. 15. n. 43. Henriquez l. 12. c. 2. Filiucus c. 9. n. 286. Bonacina n. 13. quamvis Sanchez neget de sponsâ de futuro.

Idem est si vir injustè occidat uxorem, licet Sa & Bonacina dicant non incurri si occidat reper tam in flagranti. Henriquez & alii dicunt incurri hoc impedimentum ab uxore occidente maritum, quod tamen negat Sanchez, Toletus, Filiucus, & Bonacina.

Si quis etiam prolem communem utriusque conjugi vel alterius solius conjugis suscipiat in Baptismo aut Confirmatione, vel illam baptizet infidiando Matrimonio ut cognationem contrahat cum altero conuge, & debitum conjugale impedit, non potest mortuo conuge Matrimonium aliud contrahere: ita Sanchez l. 7. d. 6. n. 8. Filiucus, Bonacina, & alii.

Sic qui occidit iustè Sacerdotem non potest licet contrahere Matrimonium, & licet multi requirant ut sit convictus, communior tamen sententia ait hoc non requiri: ita Filiucus c. 9. n. 290. & alii.

Idem est de eo qui agit publicam penitentiam, Publica p. dum hæc durat, sed hæc penitentia jam non sunt niuentia, in usu: Sanchez d. 6. n. 10. & alii.

Tandem qui Matrimonium scienter contrahit cum moniali professâ impeditur quo minus unquam contrahat Matrimonium: Sanch. d. 6. n. 12. Bonacina n. 20. & alii.

Sanchez tamen l. 7. d. 17. n. 9. Navarrus, Multa ex his Sotus, Henriquez l. 12. c. 2. Coninck d. 30. d. 3. jam non s. n. 25. Layman t. 10. p. 4. c. 15. fine dicunt hæc in usu, impedimenta, præter impedimentum voti, sponsalium, & interdicti, usu jam & communis consuetudine esse sublata, sicut nullum esse peccatum iis qui hæc crimina admiserunt, contrahere Matrimonium sine dispensatione: Bonacina tamen n. 21. Toletus, & alii assertunt esse peccatum mortale.

Quæres quintò: Quis possit in impedimentis Matrimonii dirimentibus dispensare? In impedimentis dirimentibus jure naturali, non potest tibis jure Summus Pontifex dispensare, unde secundum diuersas sententias de gradibus hujus impedimenti in linea ascendientium & descendientium, vel etiam transversâ, aut affinitatis, potest, vel non potest dispensare. Ratio est, quia esset occasio multorum malorum: ita Sanch. l. 8. d. 6. Filius t. 10. p. 2. c. 10. n. 301. Bonac. q. 3. p. 15. n. 2. Layman t. 10. p. 4. c. 6. & alii.

*Dirimentia
jure Eccle-
siastico.*

In impedimentis jure humano seu ecclesiastico tantum dirimentibus potest Summus Pontifex dispensare, cum sit superior, ut tamen licet faciat requiritur iusta causa, unde a fortiori sequitur posse dispensare in impedimentis non dirimentibus, exceptis sponsalibus: ita Sanchez l. 2. d. 40. Bonacina n. 2. Filiucus n. 302. & alii.

*Quid hoc in
re possit Epis-
copus.* In his etiam impedimentis dirimentibus potest Episcopus dispensare, quando Matrimonium bona fide publicè contractum est, & impedimentum occultum, nec conjuges possunt sine magno scandalo separari, nec propter paupertatem aut loci distantiam, vel alia iusta impedimenta recurri potest ad Pontificem, nec ad Nuncium Apostolicum, qui potestatem haberet dispensandi, quamvis Henriquez l. 6. de Pénitentiâ, c. 10. n. 1. & l. 12. de Matrim. c. 3. n. 1. dicat posse Episcopum dispensare, etiam quando potest recurri ad Nuntium, quod tamen negat Sanchez, & Bonacina: ita Sanchez l. 2. d. 4. addens n. 7. posse Episcopum in casu aliquo valde extraordinario dispensare in impedimento detecto etiam ante contractum Matrimonium, Bonac. n. 4. & 6. Filiucus n. 302. & alii.

VI. *Impedimen-
ta non diri-
mentia.* Quæres sextò: An Episcopus possit dispensare in impedimentis non dirimentibus? Præter votum castitatis & religionis, ac sponsalia potest Episcopus ex consuetudine dispensare in impedimentis solum impudentibus: ita Sanchez l. 7. d. 57. num. 15. Filiucus tr. 10. p. 2. c. 10. n. 305. Bonacina quæst. 3. p. 15. num. 3. & alii, non tamen in interdicto, nisi a se vel ab alio sibi inferiori posito, nec in incœtu, nisi es qui illum commisit sit juvenis, id est non sexagenarius.

Circa impedimentum voti castitatis & religionis possit quidem Episcopus dispensare, nisi Papa sibi reservasset; cum illis enim qui sibi in suâ diœcesi sunt subditi potest Episcopus in iis omnibus dispensare, in quibus Summus Pontifex respectu totius Ecclesie, nisi reserventur: ita Sanchez lib. 8. d. 9. num. 3. Filiu. & alii.

Restringenda tamen est haec reservatio, cum in quibus sit odiosa; utpote derogans iuri Episcoporum, votum castitatis quod non est usquequaque integrum & posse Episcopum dispensare in omni voto castitatis simpliciter tale: dispensare itaque potest in voto castitatis per mensum, annum, &c. & in perpetuo voto castitatis conjugalis; cum primum non sit integrum ex parte temporis, alterum ex parte materia: item in voto non nubendi, in voto suscipiendo sacros ordines, in voto etiam disjunctivo, cuius altera pars est reservata, altera non, ut voveo castitatem vel jejunare singulis diebus Sabbati; ipse enim potest eligere partem non reservatam, in qua potest Episcopus dispensare.

Circa votum religionis etiam potest dispensare in omni quod non est simpliciter tale, ut in voto religionis strictioris, dispensando ut transeat ad laxiorem, in voto perseverantie, cum solus ingressus significetur nomine voti religionis, si quæ hoc solum est reservatum, item in differentia executione voti religionis, ut per mensuram aut annum, præterea in materia in quam commutatum est voto reservatum, ut si voto castitatis aut religionis commutatum sit in jejunia aut quid simile, potest Episcopus hanc materiam commutare in aliam: ita Sanchez d. 9. 10. & 11. Filiucus c. 10. num. 307. & alii.

*Votum Casti-
tatis & re-
ligionis.*

DISPUTATIO CENTESIMA QUINTA.

Discutiuntur reliqua circa Matrimonium.

SECTIO PRIMA.

De divorcio.

L.
*Quomodo
differat à
repudio.*



UARES primò: Quid sit divorcium, & an adulterium sit causa sufficiens illius? Divorcium est legitima viri ab uxore, vel econtra, separatio: differt a repudio quod divorcium sit solum quoad habitationem & torum, repudium autem quoad vinculum, unde illud iustis de causis semper fuit licet, hoc licet olim fuerit permisum Iudeis, & iis licet, ut putat S. Chrysostomus, Bellarminus, Sanchez l. 10. d. 1. num. 7. & alii, quamvis S. Hieronymus, Magister, D. Bonaventura, Halensis, Navarrus, & alii negent, sed permisum tantum fuisse dicunt majoris malitandi gratia, S. Thomas vero utrumque de-

fendit problematicè, Gentilibus tamen semper fuit illicitum, cum iis Deus id non permiserit, sicut nec modò licitum est Iudeis, cum Christus Matth. 19. illud sustulerit, & legem naturalem vigori suo restituerit.

Adulterium est causa sufficiens tam ex parte foeminæ quam viri ad faciendum divorcium perpetuum: ita Sanchez l. 10. d. 3. Coninck d. 35 d. 11. Filiucus t. 10. p. 1. c. 10. n. 364. Bonacina q. 4. p. 5. n. 2. Layman t. 10. p. 3. c. 7. n. 7. & alii communiter. Ratio est, quia cum adulterans faciat contra fidem in Matrimonio datam, non tenetur alter ei promissum amplius servare, nec debitum reddere. Non tamen sufficit solus animus committendi adulterium, nec alii actus impudici qui non pervenient ad copulam, cum per hos non dividatur caro, & consequenter nec Matrimonium per cuius consummationem conjuges facti sunt una caro. Sufficit tamen actus sodomiticus, vel cum bestiâ, vel cum alio homine

Fff 4 præterquam